

FIF - EaP SMEC - თიბისი ბანკი (II სესხი)

ქვეყანა:	საქართველო
პროექტის ნომერი:	53439
ბიზნეს სექტორი:	ფინანსური ინსტიტუტები
გამოქვეყნების ტიპი:	კერძო
გარემოსდაცვითი კატეგორია:	FI
დამტკიცების თარიღი	2022 წლის 2 აგვისტო
სტატუსი:	გაიარა საბოლოო განხილვა, დამტკიცების მოლოდინში
PSD-ს გამოქვეყნება:	2022 წლის 2 აგვისტო

პროექტის აღწერა

თიბისი ბანკისთვის გამოიყოფა 20 მილიონამდე დოლარის (ექვივალენტი ლარში) ოდენობის, პირველი რიგის არაუზრუნველყოფილი სესხი, რომელიც განკუთვნილია საქართველოში მცირე, მცირე და საშუალო საწარმოების (MSMEs) საინვესტიციო დაფინანსებისთვის. სესხი ხელს შეუწყობს მდგრად ინვესტირებას ტექნოლოგიებსა და აღჭურვილობაში, რაც უზრუნველყოფს ევროკავშირის სტანდარტების დაწინაურებას საქართველოს ბაზარზე აღმოსავლეთ პარტნიორობის მცირე და საშუალო ბიზნესის კონკურენტუნარიანობის პროგრამის ფარგლებში (EaP SMEC), რომელიც თავისმხრივ DCFTA პროგრამის შემკვიდრეა.

პროექტის მიზნები

პროექტი საშუალებას მისცემს თიბისი ბანკს დააფინანსოს საშუალო და გრძელვადიანი ინვესტიციები საქართველოს მცირე და საშუალო ბიზნესისათვის ტექნოლოგიისა და აღჭურვილობის განსაახლებლად, რაც აუცილებელია ევროკავშირის სტანდარტების დასაყდამყოფილებლად პროდუქციის ხარისხის, ჯანდაცვის, უსაფრთხოების ზომებისა და გარემოს დაცვის თვალსაზრისით. აღნიშნული ინვესტიციები გაზრდის ბიზნესის ადგილობრივ და რეგიონულ კონკურენტუნარიანობას. პროექტის მიზანია ქვესესხების მინიმუმ 75% აყმაყოფილებდეს EBRD-ს მწვანე ეკონომიკაზე გადასვლის (GET) მიდგომას.

შუალედური შედეგი

ETI ქულა: 75

კონკურენტუნარიანი: პროგრამა წაახალისებს მცირე და საშუალო ბიზნესების მიერ, უფრო მაღალი, ევროკავშირის დონის სტანდარტების ათვისებას და დაცვას. მეორეს მხრივ, პროგრამა ემსახურება თიბისი ბანკის ტექნიკური შესაძლებლობების გაზრდას, ასევე მცირე და საშუალო ბიზნესისთვის DCFTA-საკითხებთან დაკავშირებულ კონსულტაციას.

მედეგი: პროგრამა უზრუნველყოფს მედეგობას, პარტნიორი ფინანსური ინსტიტუტების პორტფელის სათანადო ხარისხის უზრუნველყოფით.

ინფორმაცია კლიენტის შესახებ

TBC BANK JSC

თიბისი ბანკი (თიბისი) არის წამყვანი უნივერსალური ბანკი საქართველოში რომელიც ფლობს მთლიანი საბანკო აქტივების, საკრედიტო და სადეპოზიტო პორტფელის საბაზრო წილის მესამედზე მეტს. ბანკი მომხმარებელს სთავაზობს სერვისების ფართო სპექტრს (მათ შორისაა სავალუტო ოპერაციები და არაფინანსური მომსახურება ბიზნესის განვითარებისთვის). თავისი შვილობილი კომპანიების მეშვეობით, თიბისი კერძო მომხმარებლებს და კორპორატიულ კლიენტებს, მათ შორის მცირე და საშუალო ბიზნესს სთავაზობს ლიზინგს, საბროკერო და საინვესტიციო საბანკო მომსახურებას, 160-მდე ფილიალის და ციფრული არხების მეშვეობით.

EBRD-ს დაფინანსების შეჯამება

20,000,000.00 დოლარი.

პროექტის მთლიანი ღირებულება

20,000,000.00 დოლარი.

გარემოსდაცვითი და სოციალური ასპექტების შეჯამება

FI კატეგორია (2019 წლის შეფასებით). თიბისი EBRD-ის დიდიხნის კლიენტია. წინა პროექტების გათვალისწინებით და EBRD-ს მოთხოვნების დაცვისა და ანგარიშგების კუთხით, ბანკებს თანამშრომლობის კარგი გამოცდილება აქვთ.

ტექნიკური თანამშრომლობა

EaP SME კონკურენტუნარიანობის ქვეოპერაციას დაემატება ტექნიკური და არატექნიკური საგრანტო მხარდაჭერა. EBRD-სა და ევროკომისიის დელეგაციის შეთანხმების საფუძველზე, გრანტი გამოიყოფა ევროკავშირის მიერ, აღმოსავლეთ

პარტნიორობაში მცირე და საშუალო ბიზნესის კონკურენტუნარიანობის პროგრამის ფარგლებში.

(i) EaP SMEC პროგრამის კონსულტანტი თიბისის დაეხმარება პროექტის იმპლემენტაციაში. ქვეპროექტების ტექნიკური განხორციელების კონტროლისთვის პროექტი ჩართავს ვერიფიკაციის კონსულტანტს (VC), მანამ სანამ საინვესტიციო სტიმული არ მივა შესაბამის მცირე და საშუალო ბიზნესისამდე.

(ii) პროექტს ახლავს 2.88 მილიონ ევრომდე საინვესტიციო სტიმული თიბისის ქვემსესხებულებისათვის, რომელიც გამოითვლება თითოეული ქვეპროექტისთვის 15%-მდე, ორიდან უფრო მცირე შემთხვევაში: (i) ქვესესხის გაცემული თანხა, ან ii) შესაბამისი ქვეპროექტის საინვესტიციო ღირებულება.

(iii) ძირითადი არაუზრუნველყოფილი სესხის 50% ისარგებლებს პირველი რისკის დაზღვევით (FLRC) SME LCY პროგრამის ფარგლებში, რომელიც უზრუნველყოფილია EBRD-ის SME ვალუტის გაცვლით კურსთან დაკავშირებული რისკის სპეციალური ფონდის (SME Local Currency Risk Sharing Special Fund)-ს მეშვეობით.

დამატებითი ფასეულობა

EBRD-ს დამატებითი ფასეულობა:

(i) დაფინანსების სტრუქტურა, რომელიც არ არის ხელმისაწვდომი ბაზარზე (საშუალო და გრძელვადიანი დაფინანსება ადგილობრივ ვალუტაში);

(ii) ინოვაციური დაფინანსების სტრუქტურა (მწვანე საფინანსო ინსტრუმენტი, რომელიც დაფინანსების სტრუქტურაში აერთიანებს კლიმატისა და ESG ასპექტებს);

(iii) ცოდნა, ინოვაცია და შესაძლებლობების განვითარება (პროგრამის ფარგლებში ტექნიკური დახმარება ხელს შეუწყობს საქართველოში ევროკავშირის მოთხოვნების შესაბამისი ინვესტიციების დროულ განხორციელებას);

(iv) EBRD-ის გამოცდილების გამოყენება გენდერული სტანდარტების და/ან თანაბარი შესაძლებლობების ამაღლების სამოქმედო გეგმების მისაღწევად. ამ შემთხვევაში, გენდერულ მიკერძოებაზე ტრენინგის დანერგვით თიბისი ბანკში - სესხის გამცემი პერსონალისთვის, ESG ელჩებისთვის, ESG დეპარტამენტის თანამშრომლებისთვის, სავრედიტო ანალიტიკოსებისა და რისკების მენეჯერთათვის.

კომპანიის საკონტაქტო ინფორმაცია

ქეთევან ბიწვინაშვილი

dcm@tcbcbank.com.ge

+(995 32) 227 27 27

<https://tcbcbankgroup.com/>

მარჯანიშვილის ქ N7, თბილისი, საქართველო 0102

შუალედური შედეგი

დეტალური ინფორმაციის გაცნობა EBRD-ის შუალედური შედეგების გაზომვასთან დაკავშირებულ მიდგომაზე შესაძლებელია [აქ](#).

ბიზნეს შესაძლებლობები

ბიზნეს შესაძლებლობებისა და შესყიდვების თაობაზე დაუკავშირდით კლიენტ კომპანიას.

EBRD-თან ბიზნეს შესაძლებლობებთან დაკავშირებული ინფორმაციის მისაღებად (რაც არ უკავშირდება შესყიდვებს) დაუკავშირდით:

ტელ: +44 20 7338 7168

ელ. ფოსტა: projectenquiries@ebrd.com

სახელმწიფო სექტორის პროექტებზე ინფორმაციისთვის ეწვიეთ [EBRD Procurement](#).

ტელ.: +44 20 7338 6794

ელ. ფოსტა: procurement@ebrd.com

ზოგადი საკითხები

კონკრეტულ საკითხებთან დაკავშირებით ინფორმაციის მოთხოვნა შესაძლებელია [EBRD-ის ინფორმაციის მოთხოვნის ფორმის საშუალებით](#).

გარემოს დაცვისა და სოციალური საკითხების პოლიტიკა (ESP)

[ESP](#)-ითა და შესაბამისი შესრულების მოთხოვნებით (PR-ები) განსაზღვრულია EBRD-ის მიერ „გარემოს დაცვისა და მდგრადი განვითარების“ მიდგომის განხორციელების გზები. ESP და PR-ები მოიცავს კონკრეტულ დებულებებს, რომ კლიენტებმა დაიცვან ეროვნული კანონმდებლობის შესაბამისი მოთხოვნები საჯარო ინფორმაციისა და კონსულტაციების შესახებ, ასევე, შექმნან საჩივრების მექანიზმი დაინტერესებული მხარეების მხრიდან საკითხის წამოჭრის, საჩივრების მიღებისა და მართვის მიზნით, უფრო კონკრეტულად, კლიენტისა და პროექტის გარემოს დაცვისა და სოციალურ საქმიანობასთან დაკავშირებით. პროექტის ეკოლოგიური და სოციალური რისკებისა და ზემოქმედების ბუნებისა და მასშტაბის შესაბამისად, EBRD დამატებით მოითხოვს კლიენტებისაგან, რომ მათ, საჭიროებისამებრ, გააზიარონ ინფორმაცია პროექტების შედეგად წარმოქმნილი რისკების და ზემოქმედების შესახებ, ან ჩაატარონ არსებითი კონსულტაციები დაინტერესებულ მხარეებთან და განიხილონ და რეაგირება მოახდინონ მიღებულ უკუგებაზე.

დეტალური ინფორმაცია EBRD-ის საქმიანობასთან დაკავშირებით მოცემულია [ESP](#)-ში.

ერთიანი მიდგომა და სტანდარტების დაცვა

EBRD-ის მთავარი შესაბამისობის ოფიცრის ოფისი (OCCO) ხელს უწყობს კარგ მმართველობას და უზრუნველყოფს ბანკის საქმიანობის პროცესში უმაღლესი სტანდარტების შესრულებას საუკეთესო საერთაშორისო გამოცდილების გათვალისწინებით. ბანკის ყველა კლიენტის შემთხვევაში ტარდება კომპლექსური

ტექნიკური კვლევა იმისათვის, რომ პროექტებმა არ შექმნან პრინციპების დარღვევის, ან რეპუტაციის შელახვის რისკი ბანკისათვის. ბანკი თვლის, რომ პრობლემების იდენტიფიცირება და მოგვარება პროექტის შეფასების ეტაპზე, ყველაზე ეფექტური საშუალებაა საბანკო ტრანზაქციების მთლიანობის უზრუნველსაყოფად. OCCO გადამწყვეტ როლს ასრულებს დამცავი ზომების გატარების პროცესში და ასევე, ხელს უწყობს პროექტებში ინვესტიციების განხორციელების შემდგომი რისკების მონიტორინგს.

OCCO ასევე პასუხისმგებელია თაღლითობის, კორუფციის და არასათანადო ქცევის შემთხვევების გამოძიებაზე EBRD-ის მიერ დაფინანსებულ პროექტებში. ნებისმიერმა ადამიანმა, ბანკის შიგნით თუ მის გარეთ, რომელსაც გაუჩდება ეჭვი თაღლითობასთან ან კორუფციასთან დაკავშირებით, წერილობითი ანგარიში უნდა გაუგზავნოს მთავარ შესაბამისობის ოფიცერს ელექტრონულ მისამართზე compliance@ebrd.com. თითოეულ ასეთ შემთხვევაში, OCCO დაიწყებს მოკვლევას. მოხდება თითოეული ანგარიშის, მათ შორის ანონიმურის, განხილვა. ანგარიში შეიძლება დაიწეროს ბანკის რომელიმე სამუშაო ენაზე, ან იმ ქვეყნის ენაზე, სადაც ბანკი საქმიანობს. ბანკისათვის ინფორმაციის მიწოდება უნდა მოხდეს კეთილსინდისიერად.

ინფორმაციაზე წვდომის პოლიტიკა (AIP)

ინფორმაციაზე წვდომის პოლიტიკის დოკუმენტით, რომელიც ძალაში შევიდა 2020 წლის 1 იანვარს, განსაზღვრულია EBRD-ის მიერ ინფორმაციის გაზიარებისა და დაინტერესებულ მხარეებთან კონსულტაციის წარმოების გზები, ცნობიერების ამაღლებისა და ბანკის სტრატეგიის, პოლიტიკისა და ოპერაციების უკეთ გააზრების ხელშეწყობის მიზნით. EBRD-ის ვებგვერდზე ხელმისაწვდომი ინფორმაციის სანახავად, გთხოვთ, ეწვიოთ [ინფორმაციაზე წვდომის პოლიტიკის გვერდს](#).

კონკრეტული ინფორმაციის მოთხოვნა შესაძლებელია [EBRD-ის ინფორმაციის მოთხოვნის ფორმის გამოყენებით](#).

პროექტის ანგარიშვალდებულების დამოუკიდებელი მექანიზმი (IPAM)

თუ კლიენტთან, ან ბანკთან, გარემოს დაცვის, სოციალური ან საჯაროობის პრობლემების მოგვარების მცდელობა წარუმატებელია (მაგ., კლიენტის მიერ პროექტის დონის საჩივრების მექანიზმის საშუალებით, ან ბანკის მენეჯმენტთან უშუალო კომუნიკაციის გზით), ინდივიდებსა და ორგანიზაციებს შეუძლიათ მიმართონ EBRD-ის პროექტის ანგარიშვალდებულების დამოუკიდებელ მექანიზმს (IPAM).

IPAM დამოუკიდებელად განიხილავს პროექტის ირგვლივ წამოჭრილ იმ საკითხებს, რომლებმაც გამოიწვიეს, ან შესაძლოა, გამოიწვიონ ზიანი. მექანიზმის მიზანია - პროექტის დაინტერესებულ მხარეებს შორის დიალოგის ხელშეწყობა გარემოს დაცვის, სოციალური და საჯაროობის საკითხების გადასაჭრელად; ასევე, იმის დადგენა, არის თუ არა ბანკი შესაბამისობაში [გარემოს დაცვით და სოციალური პოლიტიკისა](#) და [ინფორმაციის ხელმისაწვდომობის პოლიტიკის](#) კონკრეტულ პროექტთან დაკავშირებულ დებულებებთან; და სადაც ეს რელევანტურია, აღნიშნულ პოლიტიკის დოკუმენტებთან ნებისმიერი შეუსაბამობის აღმოფხვრა და ბანკის მიერ მომავალი შეუსაბამობის თავიდან აცილება.

გთხოვთ, ეწვიოთ [პროექტის ანგარიშვალდებულების დამოუკიდებელი მექანიზმის ვებგვერდს](#), IPAM-ისა და მის მანდატის შესახებ მეტი ინფორმაციის მისაღებად, ასევე, იმის დასადგენად, თუ როგორ უნდა [წარადგინოთ მოთხოვნა](#) განსახილველად; ან დაუკავშირდით IPAM-ს ელ.ფოსტით ipam@ebrd.com, რომ მიიღოთ ინსტრუქცია და ინფორმაცია IPAM-ისა და მოთხოვნის გაგზავნის შესახებ.